

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst (“Službene novine Zeničko-dobojskog kantona”, broj 7/10), te člana 199. stav (2) Poslovnika Skupštine Zeničko-dobojskog kantona – Novi prečišćeni tekst („Službene novine Zeničko-dobojskog kantona“, broj: 7/12 i 12/13) na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 97. sjednici, održanoj dana 01.06.2017. godine,
d o n o s i

ZAKLJUČAK

I.

Prihvata se Mišljenje Ministarstva za rad, socijalnu politiku i izbjeglice Zeničko-dobojskog kantona po inicijativi poslanice u Skupštini Zeničko-dobojskoga kantona Naide Delibašić kojom je predloženo izdvajanje interventnih sredstava za pomoć Općini Kakanj, odnosno stanovništvu Ribnice i Mramora za sanaciju nedavno nastalih šteta od poplava i klizišta na regionalnom putu i autoputu.

II.

Stav Vlade Zeničko-dobojskog kantona iz tačke I. ovog zaključka upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/17.
Datum, 01.06.2017. godine
Z e n i c a

PREMIJER

Miralem Galijašević

DOSTAVLJENO:

1x Stručna služba Skupštine,
1x Ministarstvo za rad, socijalnu politiku i izbjeglice,
1x Poslanica Naida Delibašić (putem ministarstva),
1x a/a.

ZENIČKO-DOBOJSKI KANTON
VLADA

n/r Premijera
n/r Sekretara

Broj: 09-14-2799-1/17
Zenica, 22.05.2017. godine

PREDMET: Mišljenje na poslaničku inicijativu poslanice Naide Delibašić, d o s t a v l j a s e

Na 38. sjednici Skupštine Zeničko-dobojskog kantona održanoj 28.02.2017.godine, poslanica u Skupštini Zeničko-dobojskog kantona Naida Delibašić, pokrenula je poslaničku inicijativu prema Vladi Zeničko-dobojskog kantona kojom predlaže izdvajnje interventnih sredstava za pomoć Općini Kakanj, odnosno stanovništvu Ribnice i Mramora za sanaciju nedavno nastalih šteta od poplava i klizišta na regionalnom putu i autoputu. Nakon razmatranja dostavljene inicijative Ministarstvo za rad, socijalnu politiku i izbjeglice daje sljedeće:

M i š l j e n j e

Vlada Zeničko-dobojskog kantona je nakon prirodne nesreće koja je u maju 2014. godine zadesila Zeničko-dobojski kanton donijela Odluku o ostvarivanju pomoći za plaćanje troškova stanovanja osobama koje su usljed prirodne nesreće izmještene iz svojih domova u Zeničko-dobojskom kantonu broj:02-14-19504/14 od 02.10.2014. godine. Ministarstvo za rad, socijalnu politiku i izbjeglice kontinuirano od oktobra 2014. godine izdvaja novčana sredstva za plaćanje troškova stanovanja osobama koje su u skladu sa naprijed citiranom odlukom podnijele zahtjev i ispunile uslove propisane Odlukom za ostvarivanje prava na pomoć za plaćanje troškova stanovanja. Na ovaj način stambeno se zbrinjavaju sve porodice u Zeničko-dobojskom kantonu čiji su stambeni objekti oštećeni usljed poplava ili klizišta bez obzira na vrijeme kada se prirodna nesreća desila.

S ciljem utvrđivanja svih relevantnih podataka od kojih zavisi odluka o pokrenutoj inicijativi, Ministarstvo je službenim putem od nadležne Službe civilne zaštite Općine Kakanj pribavilo podatke o ukupnom broj ugroženih stambenih objekata, odnosno porodičnih domaćinstava u naseljima Ribnica i Mramor, koje dostavljamo u prilogu mišljenja. Na osnovu dostavljenih podataka utvrđeno je da je u naselju Ribnica u čijoj je neposrednoj blizini nožica klizišta, indirektno ugroženo pet domaćinstava.

S tim u vezi, Ministarstvo podržava pokrenutu inicijativu, na način da je u okviru svoje nadležnosti spremno pružiti pomoć za sve stanovnike naselja Ribnica i Mramor čiji su stambeni objekti oštećeni, rizični za stanovanje ili uništeni usljed poplave i nisu uslovni za stanovanje u skladu sa propisanim stambenim standardima, a u skladu sa ostalim uslovima propisanim citiranom Odlukom broj:02-14-19504/14 od 02.10.2014. godine.

S poštovanjem!

Dostavljeno:

2 x Naslov

1 x a/a

MINISTAR

Nurdehan Šahinović